

虎鼎克藏本

增補
內經拾遺方論



重訂駱龍吉內經拾遺方論卷之二

淮陰肖齋劉浴德

太醫

棠邑明羽朱練

全訂

明

門人起前蔣弘業

聖濟殿御醫

全閱

男同宇朱應騷

秣陵後學宗漢林儒校正

瘖痺第三十二 主腎虛

脉解論曰。內奪而厥。則為瘖痺。夫內腎內奪。精奪。厥。

時醫套
用蘇合
牛黃丸
珠珀珍
貴之品

養生
類要

氣逆也。口瘡曰瘡。足廢曰俳。若人腎實。何瘡俳之有。今也內奪其精。而其氣厥逆。則腎虛矣。腎氣既虛。則在上而口不能言。以腎脉挾舌本也。在下而足不能行。以腎脉循陰股也。

接命丹

服之可接濟性命。故曰接命丹。

口瘡足俳。腎氣虛也。以人補人。其效無加。

右用人乳二酒盞。香甜白者佳。好梨搗汁一酒盞。傾銀錠或銅錠內。重湯頓滾。黃沫起。開青路爲度。

每日空心一服

厥逆第三十三

主氣鬱中外

腹中論曰有病膺腫頸痛胸滿腹脹名厥逆夫陽升陰降則氣流而順若上實下虛則氣鬱於外故膺腫而頸痛氣鬱於內故胸滿而腹脹病名厥逆也如此升降六一湯

藿香能上升香附能下降
六一者因分兩而言也

香附子

六錢

藿香

一錢

右爲細末白湯調下

風成寒中第三十四

主風氣外泄

風論曰風氣與陽明入胃循脉而上至目內眥其人
瘦則外泄而寒則為寒中而泣出矣夫人瘦則腠理
開疎是以風氣外泄而為寒則為寒中而泣出矣
助陽和血補氣湯

專治眼目迎風流淚

黃耆

蜜炙
二錢

蔓荊子

甘草

炙各
一錢

防風

七分

當歸

白芷

升麻

柴胡

各五
分

右水二鍾煎八分食遠服忌風寒食冷物避風處
臥

風氣熱中第三十五
主風氣內鬱

風論曰風氣與陽明入胃循脈而上至目內眥其人
肥則風氣不得外泄則爲熱中而目黃夫人肥則腠
理閉密是以風氣內鬱而爲熱則爲熱中而目黃矣

犀角散

大治目黃

犀角屑

黃芩

山梔子

升麻

各二兩

茵陳蒿

朴硝

各二兩

右每服四錢。水一鍾。竹葉三七片煎六分。不拘時

服。

腦風第三十六
主腦痛

風論曰。風氣循風府而上。則爲腦風。夫風府一穴在

項後。入髮際一寸大筋內是也。風氣循行風府而上。

則腦戶痛也。風中腦戶。則爲腦風。怯寒而腦痛也。

三五七散

腦風頭痛用之如神

附子

三兩

山茱萸

五兩

乾山藥

七兩

右爲細末每服二錢。生姜紅棗湯食後調下。

首風第三十七

主頭痛因風

風論曰。新沐中風。則爲首風。夫濯髮曰沐。謂洗頭也。新沐之人。皮膚既疎。膚髮又潤。風若中之。則爲首風。遇風則頭痛是也。其証則多汗而惡風。藥上真人曰。

傷寒
舉要

新沐浴竟取風爲首風

羌活散

遇風頭痛

羌活

蒼朮

各錢半

川芎 白茯苓

防風

枳殼

桔梗

各一錢 甘草 三分

右水二鍾薑三片葱一根煎八分不拘時服有汗

惡風加桂枝

八分

目風眼寒第三十八

主迎風流淚

風論曰。風入係頭。則爲目風。眼寒。夫人之目在於前。而其係則在於頭之腦。風入係頭。則傳入於目。而爲目風。眼寒。迎風流淚。而眼畏寒也。世俗呼爲夾腦風。石膏散。

目風眼寒。偏正頭風。涕淚俱出。

石膏

炭火燒研
細二兩

川芎

一兩

甘草

半兩炙

右爲細末。每服一錢。食後葱茶煎湯調下。日二服。

漏風第三十九

主酒風

風論曰飲酒中風則爲漏風。夫謂之漏風者以其汗
出不止如器之漏是也。藥上真人曰因醉取風爲漏
風其狀惡風多汗少氣口乾善渴近衣則身熱如火
臨食則汗流如雨骨節懈惰不欲自勞病能論曰有
病身熱懈惰汗出如浴惡風少氣此爲何病曰病名
曰酒風自我觀之其卽漏風之謂

澤瀉散

酒風

黃帝
素問

澤瀉

白朮

各二錢

麋銜

五分

右合以三指撮食後服

胃風第四十

主形瘦腹大

風論曰。胃風之狀。頸多汗。惡風。食飲不下。鬲塞不通。腹善滿。失衣則臘脹。食寒則泄。診形瘦而腹大。夫胃風。胡爲乎來哉。藥上真人曰。新食竟取風爲胃風。其狀頸多汗。惡風者何。以人迎之上。胃脉之所動也。食飲不下。鬲塞不通。腹善滿者。胃氣傷也。失衣則臘脹。

者外因寒也。食寒則泄瀉者內因寒也。形瘦者外泄也。腹大者寒內鬱也。

胃風湯

胃風

人參 白朮 白茯苓 當歸

川芎

白芍

官桂

等分
爲末

右每服三錢水一大盞粟米百粒煎七分空心服。

行痺第四十一
主風勝

有藥肆
得丸
方同

痺論曰風寒濕三氣雜至而為痺也其風氣勝者為行痺夫風陽邪也陽主動風氣勝於寒濕故流行不已而為行痺

蠲痺湯

蠲除也言用藥以除痺也

行痺

羌活

黃蓍

薑黃

赤芍

當歸

酒浸各二錢

甘草

炙一錢

一方加防風

二錢

右水二鍾薑五片紅棗五枚煎八分

今患痛
風少愈
蓋不服
此等之
方身

痛痺第四十二 主寒勝

痺論曰寒氣勝者爲痛痺。夫寒陰邪也。陰主靜。寒氣勝於風濕。故疼痛難當而爲痛痺。

烏頭湯

痛痺

烏頭

五枚蜜二升煎取一升去烏頭

麻黃

去節

赤芍

黃耆

甘草

各錢

右水二鍾煎七分去渣入蜜煎一沸溫服。

着痺第四十三 主濕勝

痺論曰。濕氣勝者爲着痺。夫濕陰邪也。陰主靜。濕氣勝於風寒。故重着不移而爲着痺。

五痺湯

五藥以治着痺也

着痺

漢防己

白朮

薑黃

羌活

各一錢

甘草

炙五分

右水二鍾。薑七片。煎八分。看上下分。食前後服。

周痺第四十四
主一身盡痛
靈樞周痺曰。周痺者在於血脉之中。隨脉以上。隨脉以下。不能左右。各當其所。夫周痺。謂周身皆痛也。在於血脉之中。或隨脉以上。或隨脉以下。故一身盡痛。不比衆痺之在於左右。各當一處者。之有定所也。乃風寒濕氣客於外。分肉之間而然耳。

大豆蘗散

大豆黑大豆也。蘗猶蘗也。生不以理之名也。壬癸日以井花水浸大豆。候生芽聽用。

主治周痺潤皮毛補腎氣